

Ilageeqarneq pillugu Inatsisartut peqqussutaat nr. 15, 28. oktober 1993-imeersoq Atuussimasoq (Historisk)

Kalaallit Nunaanni Ilageeqarneq pillugu inatsimmi nr. 264-imi 6. maj 1993-imeersumi § 5 naapertorlugu aalajangersarneqarput:

Kapitali 1.

Qitiusimik aqutsisussat.

§ 1. Naalackersuisut Ilageeqarnermik qitiusumik aqutsisuussapput siulersuisuussallutillu tamannalu pillugu aalajangersagaliortassallutik.

Imm. 2. Biskoppi suliassanut ilageeqarnermut tunngassuteqartunut oqaaseqarsinnaatitaavoq.

§ 2. Ilageeqarnermut Naalackersuisoq ilagiit sinnersissaannik nutaamik qinersisoqareernerit tamaasa siunnersuisussatut ataatsimiititaliamik pilersitsissaaq ukuninnga ilaasortalimmik

1) biskoppi,

2) sinnersi ataaseq palasinit provstinillu toqqagaq,

3) sinnersi ataaseq ajoqinit organistinillu toqqagaq,

4) sinnersit pingasut ilagiit sinnersaannit toqqakkat, provsteqarfinni tamani ataasiusartussat.

Imm. 2. Ataatsimiititaliaq ukiumut marloriarluni ataatsimiittassaaq.

Imm. 3. Ilageeqarnermut Naalackersuisoq immikkut paasisimasalittut ataatsimiititalianik pilersitsisinnaavoq.

§ 3. Kalaallit Nunaat aggorneqassaaq palaseqarfinnut, qassiunissaat angissusissaallu Naalackersuisunit aalaj angerneqartunik.

Kapitali 2.

Biskoppi provstillu.

§ 4. Kalaallit Nunaata biskoppeqarfiani biskoppi biskoppeqarfimmi provstinik, palasinik ajoqinillu ilagiinnut tunngasutigut nakkutilliisuvoq.

Imm. 2. Biskoppeqarfiup allaffia biskoppip atorfianut atasumik pilersinneqassaaq.

§ 5. Kalaallit Nunaata biskoppeqarfiani biskoppimik qinersinermi taaseqataasinnaapput biskoppeqarfimmi ilagiit sinnersaat palasillu kiffartortut, taakkununnga ilanngullugit palasit kingoraartaagallartut palasillu taasinerup nalaani sulinngiffeqartut.

Imm. 2. Naalackersuisut qinersinerup ingerlanneqarnissaa pillugu aalajangersagaliussapput.

§ 6. Biskoppi ilagiit anersaakkut siulersorlugit sulinermi provstinik pingasunik ikiorteqassaaq,

Avannaanut provstimik, Kujataanut provstimik kiisalu Qeqqanut, Thulemut Tunumullu provstimik.

Imm. 2. Qeqqanut, Thulemut Tunumullu provsti domprovstiuvoq biskoppimullu taartaasartuulluni.

§ 7. Biskoppip palasit kiffartortut tamaasa ukioq allortarlugu ataatsimiigiaqqusassavai sulianut tunngasumik kursusernissaq ilageeqarnermullu tunngasumik pissutsit isumalioqatigiissutigineqarnissaat siunertarlugu. Ataatsimiittut aalajangiisinnaassuseqartitaanngillat.

§ 8. Biskoppip provstit tamaasa ukiumut ataasiarluni ataatsimiigiaqqusassavai paasissutisseqatigiinnissaq isumalioqatigiinnissarlu siunertarlugit.

§ 9. Ilagiit sinnersaannik qinersinerup kingorna sapinngisamik piaartumik biskoppi ataatsimeersuariaqqusissaaq palaseqarfinni tamani ilagiit sinnersaattut qinigaasumit § 12, imm. 1-imi oqaaseqatigiit aappaanni taaneqartumit palaseqarfinnilu tamani palaseqarfiup pisortaqarfittut siulersuisuanit peqataaffigineqartussamik.

Imm. 2. Ataatsimiinnermi tassani qinerneqassapput provteqarfikkaartumik ilagiit sinnersissaat § 2, imm. 1, nr. 4-mi taaneqartut.

Imm. 3. Tamatuma saniatigut ataatsimeersuartut aalajangiisinnaassuseqanngillat, apeqqutilli suogaluartullunniit ilageeqarnermut tunngasut oqaloqatigiissutigisinnaallugit.

Kapitali 3.

Provsteqarfinni ataatsimiititaliat.

§ 10. Provsteqarfinni tamani provsteqarfimmi ataatsimiititaliamik qinersineqassaaq, tassanilu ilaasortaassapput ilaasortassatut qinigaasut, tak. § 12, provsteqarfiullu provstia. Provstip ilaasortatut ataatsimiititaliap suliassaanik ingerlatsisutut suliassat isumagissavai ataatsimiititaliallu aalajangiineri ingerlatittassallugit.

Imm. 2. Ataatsimiititaliap qinigaaffia sivisussuseqarpoq ukiumi qinersivimmi juunip aallaqqaataanit ukiumi ilagiit sinnersaannut provteqarfimmilu ataatsimiititaliamut tullianik qinersisoqarfiusussami maajip 31-anut.

§ 11. Provsteqarfinni tamani provsteqarfiup allaffianik pilersitsisoqassaaq.

§ 12. Palaseqarfinni tamani provsteqarfimmi ataatsimiititaliamut ilaasortassaq ataaseq sinniisussallu marluk qinerneqassapput. Tamanna peqatigalugu qinerneqassaaq, tak. imm. 4, palaseqarfiup sinnersissaa ataatsimeersuarnermi peqataasartussaq.

Imm.2. Palaseqarfinni tamani pisortaqarfiup siulersuisuata isumagissavaa ilagiit sinnersaannut qinersisoqarsimatsiaannartoq pineqartunik qinersisoqarnissaa.

Imm. 3. Provsteqarfiup palaseqarfiini ilagiit sinnersaanni tamani piffissaq ataaseq atorlugu allalluni taasinikkut qinersisoqassaaq.

Imm.4. Provsteqarfimmi ataatsimiititaliap ilaasortassai provsteqarfiup palaseqarfiini ilagiit sinnersaannit qinerneqassapput. Provsteqarfimmi ataatsimiititaliamut qinersinermi qinigaasinnaavoq kinaluunniit; ilagiit sinnersaannut ilaasortassatut qinigaanissamut piumasarineqartunik naammassinnittoq.

Imm. 5. Naalakkersuisut qinersinerup ingerlanneqarnissaa pillugu aalajangersagaliussapput.

§ 13. Qinersinerup kinguinngua provsteqarfimmi ataatsimiititaliamut ilaasortat provstimit ataatsimiigiqquneqassapput qinersillutillu siulittaasumik siulittaasullu tullianik ukiumi ataatsimi atasussanik, qinigaasullu pillugit nalunaarut ilaasortat tamarmik kiisalu ilaasortat qinigaasut sinniisussaasa tamarmik allassimaffiat ilanngullugu biskoppimut Naalakkersuisunullu nassiunneqassaaq.

§ 14. Ileqqusumik ataatsimiinnerit qaqugu sumilu ingerlanneqarnissaat pillugu provsteqarfimmi ataatsimiititaliaq aalajangiissaaq.

Imm. 2. Immikkut ittumik ataatsimiittoqartassaaq provsteqarfimmi ataatsimiititaliap siulittaasuata ilaasortalluunniit marluk tamanna kissaatigippassuk.

§ 15. Provsteqarfimmi ataatsimiititaliap aalajangiineri ataatsimiinnerni pisassapput.

Imm. 2. Siulittaasup suliassat kinguartinneqarsinnaangitsut aalajangiiffiginissaalluunniit nalornilissutaasinnaangitsut provsteqarfimmi ataatsimiititaliaq sinnerlugu aalajangiiffigininnaavai. Taamaattut pillugit aalajangiinerit provsteqarfimmi ataatsimiititaliamut ilisimatitsissutigineqartassapput ataatsiraiinnermi tullermi.

Imm. 3. Provsteqarfimmi ataatsimiititaliap provsti pisinnaatissinnaavaa suliassaq aalajangersimasoq erseqqissoq suliassalluunniit allat ataatsimiititaliap erseqqinnerusumik aalajangiinera malillugu suliareqqullugit.

Imm. 4. Provsteqarfimmi ataatsimiititaliaq aalajangiisinnaavoq ilaasortat ikinnerpaamik affaat najuuppata. Taasinerit amerlaqatigiippata siulittaasup tasinera aalaj angiisuussaaq.

Imm. 5. Provsteqarfimmi ataatsimiititaliap suliassami qanoq ingerlannissaat nammineerluni aalajangissavaa.

§ 16. Provsteqarfimmi ataatsimiititaliap ataatsimiinneri allattaaveqartinneqassapput.

Imm. 2. Taakkunani allassimassapput qanga sumilu ataatsimiinneq, kikkut ataatsimeeqataanersut, apeqqutit suut oqaluuserineqarnerisut, kiisalu aalajangiisimanerit.

Imm. 3. Ilaasortap kialluunniit nammineq isummani allaasoq allattaavinnut naatsumik allaqqusinnaavaa piumasarisinnaallugulu allattaavinnut allanneqartut assilinerannik nassinneqarnissani suliap Naalakkersuisunut saqqummiunneqarnerani. Ilaasortap taassuma suliap Naalakkersuisunut saqqummiunneqarnerani isummaminut tunngavilersuutinik ilaqartissinnaavaa.

Imm. 4. Allattaavinnut allattorneqartut atsiorneqassapput siulittaasumit suliassanillu ingerlatsisumit; ataatsimiinnermilu tullermi saqqummiunneqarlutik akuerineqartussanngorlugit. Allattaavinnut allattorneqartut akuerineqartut assilineri biskoppimut aamma Naalakkersuisunut ilisimatitsissutissatut nassiunneqassapput.

§ 17. Provsteqarfimmi ataatsimiititaliap aalajangissavaa ilaasortat ilaat suliassami ima soqutigisaqartiginersoq ataatsimiititaliap suliassamik oqaluuserinninnerani taasisutigininneranilu ilaasariaqarnani.

Imm. 2. Ilaasortap suliassap oqaluuserineqarnerani peqataasinnaaneranut nalornissutaalersinnaasumik takussutissaqarpat ilaasortat arlaata provsteqarfimmi ataatsimiititaliaq nalunaarfigissavaa.

§ 18. Ilaasortatut qinigaasoq piffissap qinigaaffiup ingerlanerani toquppat imaluunniit

ilaasortaajunnaarpat sinniisussaa taanna taarserlugu ilaasortanngussaaq.

Imm. 2. Ilaasorta qaatmat ataaseq sinnerlugu pisinnaangippat sinniisussaata provsteqarfimmi ataatsimiititaliami taarserallassavaa.

Imm. 3. Pissutsini imm. 1-imi 2-milu taaneqartuni ilaasortap taartissaanik sinniisussaqaangippat, taarserlugu ilaasortanngussaaq palaseqarfimmi qinigassanngortittoq qinigaanani amerlanerpaanik taaneqarsimasoq.

§ 19. Provsteqarfimmi ataatsimiititaliamut ilaasortat ilagiit ilagiinni sulinermi peqataalluarnissaat siuarsarniassavaat.

§ 20. Provsteqarfimmi ataatsimiititaliaq palasit, ajoqitut organistitullu atorfiit inuttalernerqarnerini kiisalu Ilageeqarnermi ikiortaasussanik sulisussarsinerni tamatuminnga aalajangersakkat malillugit peqataasassaaq.

§ 21. Provsteqarfimmi ataatsimiititaliaq ilagiit sinnersaasa inassuteqarnerat malillugu provsteqarfimmi ingerlatsinermut atugassanik ukiumoortumik aningaasatigut missingersuusiussaaq aningaasallu atugassanngortitaasut akisussaaffigissallugit Naalakkersuisunit aalajangersakkat malillugit.

§ 22. Provsteqarfimmi ataatsimiititaliap Naalakkersuisut aalajangersagaat malillugit nakkutigisarissavai provsteqarfimmi oqaluffiit aamma toqusut inaat, isumagissallugulu tamakkua aserfallatsaaliugaanissaat.

Imm. 2. Init naalagiarnermut atorneqartartut (atuarfiit naalagiartarfiutigit) nakkutigineqassapput kommuneqarfinni kulturimut atuartsinermullu ataatsimiititaliaq peqatigalugu.

Kapitali 4.

Ilagiit sinnersaat

§ 23. Ilagiit sinnersaannut ilaasortaassapput ilagiit sinnersaattut qinikkat kiisalu qinersiviusumi ajoqi imaluunniit ajoqiunerit aamma palasi imaluunniit palasit kiffartortut tassani najugallit.

Imm. 2. Ilaasortat qinikkat palasinit ajoqinillu tamatigut amerlanerusassapput, pisariaqarpallu ajoqi ukiukinnerpaaq ilaasortaajunnaassaaq. Taannali ilagiit sinnersaasa ataatsimiinneranni peqataasinnaavoq taaseqataasinnaanani.

Imm. 3. Palasit kiffartortut taaseqataasinnaanatik pisinnaatitaapput ilagiit sinnersaasa najugarisaminni, (palasit) namminneq najugaqarfiginngisaminni, ataatsimiinnerini peqataanissamut.

Imm. 4. Taamatutaaq provsti pisinnaatitaavoq provststeqarfimmi ilagiit sinnersaasa sumiittulluunniit: ataatsimiinnerini peqataanissamut, taaseqataasinnaanani.

Imm. 5. Biskoppi biskoppeqarfimmi ilagiit sinnersaasa ataatsimiinnerini tamani peqataasinnaatitaavoq taaseqataasinnaanani.

§ 24. Palasip palaseqarfiup pisortaqarfittut siulersuisuata, imaluunniit ajoqip, isumagissavaa qinersinerup kinguinnguatiqut ilagiit sinnersaasa ataatsimiinnissaat ukiumilu ataatsimi atasussanik siulittaasussamik, siulittaasup tullissaanik allatsissamillu qinersinissaat, qinigaasullu pillugit nalunaarut ilaasortat tamarmik kiisalu ilaasortat qinigaasut sinniisussaasa tamarmik allassimaffiat ilanngullugu palasi, palaseqarfiup pisortaqarfittut siulersuisorisaa, aqqutigalugu provsteqarfimmi ataatsimiititaliamut, biskoppimut Naalakkersuisunullu nassiunneqassaaq.

Imm. 2. Ilagiit sinnersaat ikinnerpaamik ukiumut marloriarlutik ataatsimiittassapput, aammalumi ataatsimiittassallutik ilaasortap ataatsip tamanna kissaatigippagu.

Imm. 3. Ilagiit sinnersaat aalajangiisinnaapput ilaasortat ikinnerpaamik affaat najuuppata. Taasinerit amerlaqatigiippata siulittaasup taasina aalajangiisuusaaq.

Imm. 4. Ilagiit sinnersaasa suliassamik qanoq ingerlannissaat nammineerlutik aalajangissavaat.

§ 25. Ilagiit sinnersaasa ataatsimiinneri allattaaveqartinneqassapput.

Imm. 2. Taakkunani allassimassapput qanga sumilu ataatsimiinneq, kikkut ataatsimeeqataanersut, apeqqutit suut oqaluuserineqarnersut suullu aalajangerneqarnersut.

Imm. 3. Ilaasortap kialluunniit nammineq isummani allaasoq allattaavinnut naatsumik allaqqusinnaavaa.

Imm. 4. Allattaavinnut allattorneqartut atsiorneqassapput siulittaasumit allatsimillu ataatsimiinnermilu tullermi saqqummiunneqarlutik akuerineqartussanngorlugit. Allattaavinnut allattorneqartut akuerineqartut assilineri provsteqarfimmi ataatsimiititaliamut ilisimatitissutit nassiunneqassapput.

§ 26. Ilagiit sinnersaasa aalajangissavaat ilaasortat ilaat suliassami ima soqutigisaqartiginersoq sinnersit suliassamik oqaluuserinninneranni taasissutiginninnerannilu ilaasariaqarnani.

Imm.2. Ilaasortap suliassap oqaluuserineqarnerani peqataasinnaaneranut nalornissutaalersinnaasumik takussutissaqarpat ilaasortat arlaata ilagiit sinnersaat nalunaarfigissavai.

§ 27. Ilagiit sinnersaasa ilagiit ilagiinni sulinermi peqataalluarnissaat siuarsarniassavaat.

§ 28. Ilagiit sinnersaasa ataatsimiinnerminni apeqqutit suulluunniit ilageeqarnermut tunngasut oqaluuserisinnaavaat, tamakkununga ilanngullugit ataatsimiinnernut ilagiinnilu suliassanut allanut tunngasumik siunnersuutit.

Imm. 2. Ilagiit sinnersaasa apeqqutit suulluunniit ilagiinnut soqutiginaatillit imaluunniit ilagiinnik sullissinermit tunngassuteqartut misissoqqissaartariaqarsorinartut isumaliutigeqqissaartariaqarsorinartullu biskoppimut palaseqarfiup pisortaqarfittut siulersuisui provstilu aqqutigalugit saqqummiussinnaavaat.

Imm. 3. Ilagiit sinnersaat kinaluunniit ilagiit sinnersaanni suliassatut apeqqummik qulaani taaneqartunut tunngassuteqartumik saqqummiussisinnaavoq.

§ 29. Ilagiit sinnersaasa provsteqarfimmi ataatsimiititaliamut saqqummiuttassavaat oqaluffinnik toqusullu inaannik sananissamut tamakkualu aqqissornissaannut, aserfallatsaaliornissaannut pinnersarnissaannullu kiisalu init naalagiarnermut atorneqartartut (atuarfiit naalagiartarfiutigisut) aqqissornissaannut pinnersarnissaannullu siunnersuutit.

Imm. 2. Ilagiit sinnersaasa siunnersuutaat ilagiit sinnersaasa piumasaqarneratigut Naalackersuisunut saqqummiunneqassapput.

Imm. 3. Suliassat imm. 1-imi taaneqartut pillugit siunnersuutit, inassuteqaatit il.il. ilagiit sinnersaasa avataannit pisut Naalackersuisunut nassiunneqartinnatik ilagiit sinnersaannut saqqummiunneqassapput oqaaseqarfigisassanngorlugit.

§ 30. Ilagiit sinnersaat palasit, ajoqit, organistitullu atorfiit inuttalerneqarnerini kiisalu ilageeqarnermi ikiortaasussanik sulisussarsinerni tamatuminnga aalajangersakkat malillugit

peqataasassapput.

§ 31. Ilagiit sinnersaasa aalajangertassavaat

- 1) piffissaq naalagiarnernut aalajangersimasunut atugassaq, tamannalu pisorta qarfiup siulersuisuanut nalunaarutigissavaat, aamma
- 2) tussiutitik tussiutillu tapiinik nutaanik akuerisaasunik atulersitsitsinissaq, aamma
- 3) palaseqarfiup pisorta qarfitut siulersuisuata inassuteqarnera malillugu ulloq apersortitsivissaq allallu apersortitsinermut tunngasut.

Imm. 2. Palasi ajoqiluunniit ilagiit sinnersaannit akuerineqassapput

- 1) naalagiarnerni aalajangersimasuni katersuisoqarnissaanut, aamma
- 2) naalagiarnerni aalajangersimasuni imaluunniit ilagiinnut tunngasunik suliaqarnerni naalagiarnermi ileqqorisassanik allanik akuerineqarsimasunik imaluunniit ritualinik allanik akuerineqarsimasunik siornatigut ilagiinni atorneqartarsimasunit allaanerusunik atuinissamut.

Imm. 3. Palasi ajoqiluunniit ilagiit sinnersaannit biskoppimillu akuerineqassapput naalagiarnerni aalajangersimasuni imaluunniit ilagiinnut tunngasunik suliaqarnerni naalagiarnermi ileqqorisani ritualinilu allannguuteqartitsilaartoqassappat imaluunniit tussiutit tussiutillu tapii akuerisaasunit allaanerusut atorneqassappata.

Kapitali 5.

Aalajangersakkat assigiinngitsut.

§ 32. Provstit, palasit ajoqillu atorfirminni sulinerminni, tassunga ilanngullugu inunnik tarnimikkut annikilliuutilinnik ikiuinerminni, provsteqarfimmi ataatsimiititaliamut ilagiillu sinnersaannut atassuteqanngillat.

§ 33. Naalackersuisut naalagiarnernit ilagiinnullu tunngasunik suliaqarnerit pillugit biskoppi isumasioqatigereerlugu aalaj angersagaliussapput.

Imm. 2. Naalagiarnermi ileqqorisassat, ritualit, tussiutit aamma tussiutit tapiisa akuerineqarlutik atortussanngortinneqarnissaat kunngip peqqussutaa naapertorlugu pisassaaq.

§ 34. Naalackersuisut ilagiit assigiinngitsut suleqatigiinneranni peqataasarnissaq pillugu aalajangersagaliussapput.

§ 35. Naalackersuisut provsteqarfimmi ataatsimiititaliamut ilagiillu sinnersaannut ilaasortat qinikkat ullormusiaqartitaasarnissaat, angalanermut najugaqarnermullu aningaasartuutitut taartisiaqartitaasarnissaat kiisalu sulilluni akissarsiasaraluanik annaasaqarnermut taartisisarnissaat pillugu aalajangersagaliussapput.

Kapitali 6.

Aalajangersakkat ikaarsaarutaasut atulersitsisuusullu.

§ 36. Inatsisartut; peqqussutaat una januaarip aallaqqaataani 1994-imi atortuulissaaq.

Imm. 2. Ulloq taanna atortuujunnaassaaq Kalaallit Nunaanni ilageeqarneq pillugu Inatsisartut

peqqussutaat nr. 2 martsip 30-anni 1982-imeersoq.

Imm. 3. Taamaattoq §§ 4, 12-14, 23, 38 aamma 40 atortuujuassapput atorunnaarsinneqarnissamik taarserneqarnissamilluunniit tungaanut. §§ 4-mi, 38-mi aamma 40-mi taaguut "ilagiit kalaallit siulersuisui" "Naalakkersuisut"-nit taarserneqassaaq. "Palaseqarfimmi siulersuisut" § 38-imi "provsteqarfimmi ataatsimiititaliaq"-mit § 40-milu "ilagiit sinnersaat"-nit taarserneqassaaq.

§ 37. Provsteqarfimmi ataatsimiititaliamut qinersineq siulleq pissaaq peqqussutip matuma atortuulernerata kinguninngua, ataatsimiititaliallu taassuma qinigaaffia sivisussuseqassaaq ukiumi ilagiit sinnersaannut provsteqarfirmilu ataatsimiititaliamut qinersisoqarfiusussami tullermi maajip 31-ata tungaanut.

§ 38. Inatsisartut peqqussutaat § 36, imm. 2-mi taaneqartoq naapertorlugu aalajangersarneqartut atortuinnassapput inatsisartut peqqussutaat una naapertorlugu aalajangersakkatigut taarserneqarnissamik imaluunniit atorunnaarsinneqarnissamik tungaanut.

Namminersornerullutik Oqartussat, ulloq 28. oktober 1993.

Lars Emil Johansen

/

Marianne Jensen